

沅
湘
耆
舊
集

沅湘耆舊集卷第十

新化鄧顯鶴湘臯編輯

鄞縣沈道寬栗仲校訂

李文正公東陽

近體詩一百四十五首

傅曰川席上賞菊得朝字

野色自蕭條幽齋共寂寥崩闌將石護細竹引泉澆地僻
應稀到情多屢見招留連更何日爛漫是今朝

題許廷冕職方畫

路轉循岡背橋回傍水根幽人不到處茅屋自成村浦樹
經秋落山鐘向晚昏偶然一攜手相與倒芳樽

中元謁陵遇雨

勝國遺蹤遠，荒城舊築存。
堞雲隨鳥盡，濠雨帶沙渾。
塞馬空南牧，宵車竟北奔。
中原今一統，佳氣繞乾坤。

諫議新祠在，詞林舊館開。
清風隨客至，飛雨隔峯來。
弔古懷唐策，登高羨楚才。
同遊不共宿，吟望轉悠哉。

紫蓋鬱葱葱，園陵御氣中。
鼎湖龍作雨，金粟鳥呼風。
列聖神遊迴，三時祀典同。
小臣生也晚，無地泣遺弓。

東鄰

多雨動經月，一涼先報秋。
愛花思種菊，望遠怯登樓。
病喜中年退，官因薄養留。
東鄰有知己，詩罷可能酬。

山行

遠寺無煙火，晴空見羽毛。
水光浮日動，秋氣出林高。
城市

身仍係江湖與本豪馳驅亦王事元不是賢勞
寶刹開湖面清泉漱石根僧田不入稅甲第漸成村壁有
題名在亭因駐蹕存勝遊非我事休暇亦君恩

雪後

十里城陰路肩輿緩步行好天晴更碧積雪夜偏明病覺
宦情減老於人事輕交親不可棄聊與盡平生

病起理髮次李羣玉韻二首

一病身仍瘦三旬髮始梳雪疑襟袖滿風怯紙窗虛亂枕
拋書後衰顏入鏡初倦餘方起坐剛愛客來疏

病髮猶堪理憂心不可梳民勞看已甚兵捷報常虛潦水
成冰地田家望雨初我生嗟尚可醫國計還疏

聞雨

快雨剗殘夢起聞簷溜聲炎蒸五月盡愁病一時輕地喜
收楚麥天教洗甲兵老農幸未死饑眼望秋成

種竹

種竹幽堂下涼生暑氣微愛長過我屋看綠上人衣坐久
月初出夢回風漸稀一竿如可釣吾欲問漁磯

望開河驛懷明仲

小市千家集長河兩派分野煙秋爨冷漁榜夜歌聞鷺宿
溪邊草籠歸海上雲高城木葉下離思轉紛紛

武城懷古

野堠東連魯荒城北帶河遠山藏雨暗老樹得霜多古邑

今如此貧民柰汝何使舟楫泊近側耳聽絃歌

望德州

窮林蒼蒼一望平落日始到德州城山色離京不復見河
流到海無停聲邏人擊鼓朝暮急舟子刺船來往輕與客
相對隔數月停鐙坐待東方明

九日渡江

秋風江口聽鳴榔遠客歸心正渺茫萬古乾坤此江水百
年風日幾重陽煙中樹色浮瓜步城上山形繞建康直過
真州更東下夜深鐙火宿維揚

與錢太守諸公遊嶽麓寺席上作

危峯高瞰楚江干路在羊腸第幾盤萬樹松杉雙徑合四

山風雨一僧寒平沙淺草連天遠落日孤城隔水看薊北
湘南俱在眼鷓鴣聲裏獨憑闌

雪中懷張亭父

寥落城西生事微朔風吹雪灑人衣園林黯澹花將盡海
國飄零鴈未歸防病祇須知藥餌忍寒仍自關柴扉無因
得見滄洲子獨坐鐙前夜話稀

次韻答奚元啟

小市春叢不到關鄰家兒女賣鐙還幽人獨坐兩峯靜嗁
鳥不來雙樹閑酒伴有期思白社俸錢無地買青山春風
萬里江南意夢裏梅花強破顏

西山雜詩

望盡孤雲入杳冥，翠微深處一茅亭。
高臺地迥秋先至，古榻僧閑晝亦扃。
詩思更隨流水遠，醉魂還爲碧山醒。
憑虛試徹凌雲調，應有遊人下界聽。

潭影蕭蕭碧樹寒，一亭山色俯潺湲。
疏林隔寺聞僧語，落日登臺見鳥還。
塵事豈知明日異，吏情應識野人閑。
丹崖翠壁潘郎興，長憾巉巖不共攀。
自注：時用屢約同遊不果。

鳴治自齋居以詩來問風火之警，次韻奉答。

疏鐙殘漏五更初，回首驚塵入夢餘。
已愧焦頭爲上客，始知容膝是吾廬。
垂堂尚憶千金重，處世兼防百慮疏。
賴有高情通問訊，數詩清切慰愁予。

寄馬抑之同年

自注：抑之號清癡，又號華髮山人，養病居蘇州。

沙汀書有集 卷第一
不見山人又幾時浮雲流水杳難期頭顱自白非因老心
事全清卻未癡賀監有船多載酒浪仙無寺不題詩祇應
閑卻經綸手獨向空林把釣絲

復用前韻自慰

門掩空堂一客無雨聲驚夢若相呼眼中道路非前日病
起形骸是故吾翰苑朝回懷秘省洞庭家在隔重湖繩牀
竹几將愁坐自寫新詩到日晡

寄彭民望

斫地哀歌興未闌歸來長缺尙須彈秋風布褐衣猶短夜
雨江湖夢亦寒木葉下時驚歲晚人情閱盡見交難長安
旅食淹留地慙愧先生苜蓿盤

宿海子西涯舊鄰

匹馬綠溪卻度橋
華門疏樹影蕭蕭
東陵舊路元相接
北郭幽期豈待招
滿地月明如白晝
一鐙人語共清宵
悠悠二十年前事
都向春風夢裏消

送王汝璞院判歸省宜興

梅溪之水清無痕
梅溪主人花對門
開花萬樹復萬樹
流水一村還一村
采藥路迷山遠近
讀書聲動月黃昏
欲知畫錦經行地
盡是天家雨露恩

寄劉時雍

望到關山白鴈初
離愁多在憶君餘
百年交友通家誼
萬事傷心一紙書
江上流民何日定
里中羣盜可能除
西垣

詞賦東曹業欲效賢勞愧不如

幽懷

雨深門巷半蒼苔十日幽懷鬱未開
剛道官閒忙又錯偶教身健病還來
酒杯尙藉驅除力詩債慙非應答才
猶有舊堂堪繫馬水邊鷗鷺莫驚猜

坐看幽意滿青苔雨徑煙扉溼不開
藥裹半封塵未掃棋聲欲定鳥還來
爲園每課山僮業弄筆先憐稚子才
我瘦不緣詩思苦騷人相見勿頻猜

與仲律飲鳴治宅用原博韻

偶陪驄馬遊三日復到城南意惘然
山色見如逢舊友菊花開不厭殘年
幽居地接東陵近愛客心知北海賢
猶識

舊堂曾下榻，隔樓風雨賦詩眠。

寄莊孔暘二首

買斷溪南十頃煙，還家無復夢朝天。身如元亮歸田日，詩似東坡過嶺年。蓬島謫來仙骨在，釣臺高處客星懸。十年未洗紅塵耳，誰聽清風石上絃。

背郭誅茅草蓋堂，邊江種柳樹爲牆。舟中夢醒聞春雨，樓上詩成坐夕陽。南紀壯遊餘歲月，北扉遺草舊封章。清時例有逃名客，見說嚴陵本姓莊。

齋居和世賞編修韻

半夜開門雪滿坡，清吟無奈玉人何。人間路與紅塵隔天，上春隨翠輦過靈吹。下時神語寂瓊樓，高處曉寒多。笙簫

沈清齋集卷第十
本 是 虞 廷 樂 不 爲 秋 風 起 棹 歌

九 月 八 日 與 謝 子 喬 諸 公 遊 朝 天 宮 有 作

細 草 蒼 苔 石 路 重 偶 從 西 郭 問 仙 蹤 亭 如 逋 叟 長 留 鶴 徑
似 陶 潛 但 有 松 塵 世 百 年 能 幾 見 洞 門 今 夜 不 須 封 謝 家
屐 齒 應 無 恙 擬 上 蓬 山 第 一 峯

九 日 賀 謝 子 喬 韻

鶴 翻 風 樹 曉 猶 狂 頗 似 任 翻 臥 竹 房 石 底 片 雲 猶 宿 潤 竹
閒 殘 雨 尚 餘 涼 桔 槔 亭 古 荒 秋 草 鐘 鼓 樓 高 送 夕 陽 猶 有
丹 邱 餘 興 在 坐 來 今 昨 兩 相 忘

和 李 若 虛 韻

芋 區 瓜 圃 地 相 聯 仄 徑 多 從 斷 岸 邊 鄰 曲 望 疑 沾 酒 市 兒

時憶上打漁船年華未改先驚暮風景重來不及前更說
農家少生事一番秋水沒湖田

韓都憲公雍輓詩

早騎驄馬出烏臺萬里風雲亦壯哉嶺海威名天下重廟
廊謀算古人才甯知晚節終泉石豈合英魂閱草萊京國
少年思識面楚歌聲斷使人哀

與王世賞重遊朝天宮是日並臥待諸公不至

石徑苔深步屨空菊花開徧去年叢重遊誤落秋風後舊
事都消夜雨中已覺地偏非世界卻憐身病是樊籠諸公
只隔瀛洲路未遣丹邱鶴夢通

送羅大理太常擢廣東僉憲

目極蒼梧嶺外雲桂江南下海西瀆殊方貢賦諸夷接十
郡山川五嶺分漢尉官高驄馬出楚鄉家近鴈書聞卽看
萬里澄清地野虎城豺漫作羣

西湖草亭詩

淮陽城外西湖好漫說杭州更潁州雲裏亂山堆寺出雨
餘春水入田流官閑了卻坡翁事家在無煩范蠡舟詩卷
畫圖遊子意幾回春夢遶芳洲

環翠軒

幽人舊住秣陵莊石徑巖扉闕草堂空霧溼衣春冉冉野
禽嘯樹月蒼蒼老於江海遊倦閑覺山林興味長莫向
東華更東去馬頭塵土又斜陽

寄潘興化先生

分曹去後抗章前六載塵迷事惘然忙裏簿書無暇日老
來林壑有深緣清風盡掃淫祠籍遺法猶存廢寺田略試
平生經濟手聲名已許郡人傳

立春日力齋席上作

雪後餘寒尙滿城東風花柳正含情春盤淺送青絲色書
漏遙傳玉箭聲杯酒祇供閒歲月文章應減舊聰明西臺
驄馬東關路又愧賢勞百里行

和尹侍郎留別韻

瀛洲無地不登仙吏省儀曹次第遷從此略施經國手向
來閒卻著書年亦知憂樂能關世自小行藏豈問天歸路

不須馳傳急似聞宣室正求賢

西山

日照西山紫翠生
雨餘秋色更分明
蜃樓出霧東浮海
雉堞連雲北繞城
舊識郵亭猶問路
漸多僧寺不知名
十年幾度登臨約
詎盡平生吏隱情

石橋沙路轉逶迤
青草園林白露時
遙望好山頻駐馬
緩尋流水細吟詩
松閒客到題名久
雲裏僧閒出定遲
也識醉翁非愛酒
筆囊茶具自相隨

慈恩寺偶成

城中第一佳山水
世上幾多閑歲華
何日夢魂忘此地
舊時風景屬誰家
林亭路僻多生草
浦樹秋深尚帶花
猶有

可人招不得詩成須更向渠誇

哭女菱

夜堂嬌語坐生嗔眉目分明畫裏身誰遣一朝爲骨肉極
知千古共埃塵回頭尙覺呼名誤入想猶疑見面眞漫撫
哀琴不成調他年空憶辨絃人

再經西涯

新築湖隄面面平亂橋欹岸失縱橫輕鷗著水驚還去老
馬緣溪戀復行舊日鄰家今幾在別來光景共誰爭恩
不盡逢僧話剛說無生便有情

重經西涯

拂樹穿雲二里隄綠陰深處鶉鳩嘯背城古路車塵少隔

沙洲詩集卷第一
岸人家酒幔低清愛雅僧來紫衲醉扶童子嵩青藜相逢
卻恐知名姓不向慈恩寺裏題

謁陵憩清河舊館有感

路出沙隄向草堂北歸曾此駐行裝風前熱火煙生面夜
半開門雨到牀今日閭閻宜富庶舊時僮僕尙蒼黃人生
賸有悲歡地何必他山與故鄉

宿劉諫議祠有感

曾照荒鐙宿古祠祭餘山路獨歸遲誰教夜雨移牀後正
值秋風破屋時豈謂人生非夢幻極知平地有欹危感今
懷古無窮意只許前朝諫議知

重宿劉諫議祠

廟門高樹響靈颺直諫猶懷慷慨辭海內鳴陽希世有仗
前瘖馬任人騎江山磅礴堪興氣精爽分明夢覺時千載
腐儒憂國念爲公三歎一題詩

雪後早朝

六日長安雪滿城五更鐘鼓一時晴水晶宮冷雲猶凍鴟
鵂樓高月正明朝馬不嘶金勒靜院鐙無影玉堂清祇應
天上寒如許怪底人閒夢不成

次韻答方石齋居見寄

歲序驚心感雪霜閉門終日類山房不眠豈坐耽詩癖縱
去能爲對客狂西閣漏聲清夜隔上林花意薄寒妨雲霄
舊侶勞相問愧教官曹兩月忙

章恭毅公輓詩

極知天下無難事聞道先朝有直臣
萬死不輸三寸舌一生誰是百年身
英靈地已歸河嶽遺草天應護鬼神
欲殉朱雲借時劔九原重斬負恩人

次韻答愧齋

歷歷星霜歲屢移病來雙鬢幾莖絲
故人別久翻疑夢往事心勞尙有期
天上浮雲初變日江南芳草未青時
祇應千里神交地不識人間是路歧

重經西涯

域中風景夢中路病不出遊空有身
柳條弄水色不定鷗鳥傍沙情自親
舊鄰十室九易主古寺百年長占春
慟哭

兒童釣遊地白頭重到爲何人

重遊西涯次方石韻

流水平隄柳繞垣重來又隔幾寒暄輕鷗似解隨人意老
馬猶能識寺門千載高情彭澤社百年幽事杜陵村王郎
亦有攜琴興聊共清風石上尊

西域貢獅將至有詔遣行人道卻之鳴治侍講有述
敬次來韻一首簡舜咨伯常二禮部

萬里狡狴初卻貢一時臺省共騰歡極知聖學從心始誰
道忠言逆耳難漢代漫誇龍是馬隋家空信鳥爲鸞非才
敢作清朝頌獨和新詩寫寸丹

早朝露坐

七月涼生暑未徂似聞宮葉下高梧城頭急雨時來去雲
際疏星乍有無清漏水聲催玉箭絳籠燈影動金鋪長安
道嗎知多少坐待天風一夜蘇

送曹都憲出鎮薊州諸關

居庸東下接榆關千尺層城萬仞山秋有桑麻生事足夜
無烽火戍樓閑帳前貔虎知嚴令歲晚風霜識壯顏略試
一方經濟手歸來重補舊朝班

送柳拱之憲副之岷州兼簡應甯提學宗哲太守

蜀雨秦雲萬里程賢勞還屬使君行山連舊鎮遙分省勒
換新官尚與兵味少漸知鹽酪美地寒偏覺毳裘輕殊方
勿喜同鄉話不負雞壇下馬盟

送張其馬考績還南京

石頭城闕路岧峩南去長千里遙野樹林疏寒映雪宮
河水長暗生潮帆檣數點天空濶雞犬千家夜寂寥三載
一官初獻績幾人翹首望回輅

重經西涯

晚風殘雨送輕寒傍柳隨花意未闌林鳥欲歸巢已換釣
磯無恙水猶漫青春荏苒催雙鬢黃閣棲遲愧一官詩卷
酒船如許在他時須作鑑湖看

禁城陰裏御河西昨夜分明夢不迷樓外酒宿非舊館沙
邊屐印有新泥年華漸覺兒童老巢戶深懷燕雀栖滿地
虛寒霜月在敢忘鐙火教題詩

自任東陽大歲時先君以
詩命題手改結句云明月

沈氏書身
卷第一
滿天霜滿地清風時
復送虛寒謹識於此

用韻答遂庵

嶽麓峯前湘水陰
思君無計豁煩襟
亦知吳越非吾土
未必功名是我心
地上青山隨處有
鏡中華髮逐年深
故人只在鄰州住
空谷他時聽足音

用韻答邵國賢

種樹長安不作陰
幽居何處解冠襟
閑逢北客論山價
老向南枝識鳥心
江水縱平終是險
惠峯雖好未爲深
祗應棹入荆溪去
遙聽吳歌答楚音

雪後經西涯

雪滿平湖玉鏡開
更無波浪與塵埃
凌空海鶴遙應度
照

影沙鷗卻自猜豪客圍池非舊業梵家宮殿有高臺林花
苑柳如相識又是春風一度來

春興

柳絲花片滿芳洲長爲溪山感舊遊急雨過窗醒短夢驚
風入樹攪離愁歸帆欲挂三江水病腳難登百尺樓老去
不知春興減向來一月罷梳頭

高歌曾叩隔江船楚泛吳遊興渺然山寺夜鐘眠裏月洞
庭春水坐中天翠籠鸚鵡空愁思碧海鯨魚幾歲年一語
故人三歎息始知清廟有朱絃

病懷愁緒冗難裁空望單于萬里臺月落平沙南鴈下雪
殘荒戍北花開關山遠帶風塵色闔嵬時當節制才胡馬

不肥春草細過河消息幾時來

六年書詔掌泥封紫閣春深近九重階日煖思吟芍藥水
風香憶種芙蓉登臺未買千金駿補袞難成五色龍身病
益愁愁轉病老來歸思十分濃

帝城芳意入春濃快馬輕車處處逢宮樹曉藏鶯百囀苑
雲深護月千重愁來擬斷杯中物病起還支石上筇得似
玉堂風月地少時遊賞幾從容

甕山西望接平坡

寺名

匹馬雙童幾度過十載衣冠朋舊少

五更風雨夢魂多湖邊漁榜鷺鷗鳥樹裏僧房隱薜蘿飛
盡桃花還燕子一年春事竟如何

復畏吾村舊塋志感

行盡房山復樹村三年岐路幾銷魂山占水卜無時定鬼
護神訶此地存假手經營煩舊主白頭瞻拜有孤孫西園
宰木東園草猶是春風長養恩

白頭遺姊說當年

自注有鄒氏表姊年七十餘能道葬時事聽到殘燈各黯然

地許精靈先後合天教骨肉死生全流光老至偏成感舊
事疑多敢浪傳今日重來如夢裏隴頭新樹墓前田

兩年清淚不成乾三尺孤墳欲葬難千載抱孫心敢負九

泉將母意須安情如季札猶懷土義比文公合去官今日

一杯重酌汝可將禎健詫加餐

自注兒東行道中有詩云報報報癡頑今健飯不須傳

示教加餐

五父衢邊淚滿巾舊愁未盡轉成新九原可作真疑夢三

鼎空踰不逮親骨肉竟同歸復地衣冠非是顯揚身心長
夜短清無睡坐久村雞又報晨

今夕何夕宿城西燭影下照茅簷低茶煙颺空月冉冉竹
露灑地風淒淒髮能幾許白且盡心向此時荒欲迷總爲
劬勞德未報老來無事不悲悽

舊冢新塋次第成盡將心力付平生經旬命鋪隨高下半
夜推窗看雨晴今日山川增秀麗向時狐兔太縱橫小西
門外休回首蔓草殘煙也繫情

愁來不覺淚潛潛枕上詩成鬢已斑信有神交還夢接爭
知地下與人閒弔餘宿草人空到望斷孤雲鳥不還又是
雨餘花落後有誰攜酒共登山

自注後四句五月二十九日夢中作覺後續成之時

夢見吾兒若不欲聞吾詩者意苦
甚蓋自是斷不復作矣三十日識

柳城西下石橋東十里川原四面通
僧飯午鐘洪慶寺洞簫涼月靜虛宮
鄰多雞犬知村近祭有田園及歲豐
兼足白頭歸老地未論邱首得相同

病中言懷

瓦爐初冷更添香更漏沈沈月轉廊
身老病隨年共至愁多心與夜爭長
塵編倦埽時防蠹隴樹新移尚怯霜
自笑閑情緣底在向來公事已全荒

身病何如目病難極知晷旡勝衰殘
愁來強闔東門淚老去從歆杜甫冠
新酒縱鶩仍斷飲好書雖借懶開看
枕邊莫道無餘事猶有詩成字未安

門掩疏籬雪滿池，夜寒惟有病先知。
冰輪影薄當窗近，竹葉聲稀到枕遲。
三徑業荒秋去後，十年心苦夢醒時。
一身經濟元無術，醫國如今合付誰。

返櫂湖南路已微，買田陽羨事多違。
老看天地餘生少，遠別江湖舊侶稀。
靈囿藻深魚尚在，故林松暝鶴還飛。
天寒歲晚無聊賴，吟倚高樓送落暉。

奉送梓宮至土城哭而有述

郭外宮車駐，復行萬方臣。
妾共吞聲驚，颺慘似升遐。
日落景深留，返照情千載。
再逢真隔世，百身能代敢。
偷生清塵望淨猶，翹首願作飛雲繞去旌。

過小西門懷舊堊有作

古城西北氣蕭森，舊路蒼茫不易尋。
手種青松今易主，耳聞烏鳥更關心。
山堂尚憶風霜破，野徑猶虞鹿豕侵。
遙指故原新樹裏，晚風吹淚溼衣襟。

畏吾村先墓忽枉劉司馬見過感而有詩

滿地悲風起，白楊壟頭斜。
日半荒涼巨，卿白馬期能到。
范叔綈袍義可忘，話舊略教肝膽盡。
憂時同感鬢毛蒼，我來君去何處促。
猶有官曹債未償。

聞劉東山司馬致仕之命是日得謝方石祭酒到家
日所寄詩感而有作

越客書來自海濱，楚鄉重見拂衣人。
名如洛社非同里，詩到梁州各有神。
萬里雲霄俱稅駕，兩山風月自爲鄰。
試將

出處論心事慚愧官曹一病身

十年兩度送春歸聽說鄉山興欲飛
歲久兒孫頭角變日長賓客往來稀
平橋著板通樵徑老樹盤根作釣磯
強欲相從無舊業定於何處解朝衣

木齋先生將登舟以詩見寄次韻二首

十年黃閣掌絲綸共作先朝顧命臣
天外冥鴻君得志池邊蹲鳳我何人
官曹入夢還如昨世路論交半是新
仄枕欵帆何日定茫茫塵海正無津

暫從中秘輟絲綸同是羔羊退食臣
偶爲庭花留坐客豈知宮樹管離人
杯餘尙覺情難盡棊罷驚看局又新
極目春明門外路扁舟明日定天津

西園焚稿紀事

自注五月二十五日在海子西岸
畢尚膳供宴是日入西苑門望南臺

登廣寒殿過
芭蕉園而還

史家遺草盡成編
太液池頭萬炬煙
天上六丁元下取
人間一字不輕傳
先朝故事非今日
內苑清遊亦勝緣
卻上
廣寒雲霧裏
禁城東指是文淵

聞孔氏女至

南風吹送北河舟
有女東來慰白頭
病裏心情無那老
別來風景又經秋
鵲聲報日書先到
雨腳乾時淚始收
預想
離程還在眼
難將一笑解千憂

次邃庵韻

一官心事苦難償
筋力空驚六十強
病後漸看留客少
老

來翻變作書狂南園折柳逢秋色北郭看山帶夕陽數月
閑情今兩度餘生消得幾回忙

聞劉東山遇赦值河西道梗未得歸次前歲所寄雪
中過六盤山韻

百折危途寸步閒向來空乞一身閑愁心正擁藍關雪苦
句猶傳飯顆山病後形容應漸瘦老餘歸路轉多艱洞庭
風景依然在爲問扁舟幾日還

諸公過新莊聯句走筆

一春花信苦多風勝會真憐一笑同愁劇老懷兼抱病憂
深時事敢論功杜陵醉後身猶健司馬才高賦更雄對客
揮豪休我羨衰顏不似舊時紅

五月初七日

原注正德辛未

六年揮淚泣遺弓萬國傷心此日同
龍去鼎湖還作雨馬嘶沙苑尚思風
碧桃宴已歸天上玉几言猶似夢中
曾是白頭香案吏不勝凝望采雲紅

偶夢得一詩止記末句覺而感之足成一律正德辛未十一月九日也

平地紅塵起白波直從青兗到黃河
幾家村落人煙少千里川原殺氣多
漢帥屢傳師出令邊兵先試凱旋歌
白頭中夜長憂國何日蒼生免荷戈

聞狼山捷用前韻

北風吹捲洞庭波飛舸還經孟瀆河
今日勝兵方有算向

來遺孽本無多中宵驛使傳軍捷兩岸歡聲入棹歌聞說
西南猶轉戰幾時甘雨洗天戈

五月七日書感

秘閣深嚴聖語溫十年前是一乾坤孤臣林壑餘生在帝
里金湯舊業存舜殿南風難解愠漢陵西望欲消魂年年
此日無窮憾風雨瀟瀟獨閉門

九峯書屋和曹時和韻

江上草亭新卜築已聞揚子著書成每逢社日聊隨俗久
住青山卻有情霜入晚菘經歲老雨繁春筍過鄰生小堂
若許臨江閣杖屨無須匹馬迎

次韻答邵戶部文敬

葛巾芒屨坐題詩，祇欠江邊一釣絲。
藥檢舊囊書欲遍，夢回春枕事多遺。
人情更與新年別，草色甯知要路私。
獨在卷簾深處望，西山無數雨晴時。

遊城西故趙尚書果園與蕭文明李士常陳玉汝潘
時用倡和

漫憶江湖萬里遊，西園風景似南州。
青苔地溼頻經雨，白苧涼生不待秋。
塵事已醒前日夢，歲華空白幾人頭。
松醪載得渾判醉，莫遣飛花浪作愁。

官曹無計可招尋，坐愛林風滿素襟。
醉後頗思醒酒石，貧來須辦買山金。
花蹊柳徑稀疏見，茗盃冰壺次第斟。
欲問五陵歌舞地，幾家園樹得成陰。

予素不善飲文明詩來有西涯爛醉欲扶人之句且以二樽見惠步韻答之

夢斷高陽舊酒徒坐驚神語落虛無若教對飲應差勝縱使微醺不用扶往事分明成一笑遠情珍重得雙壺次公亦是醒狂客幸未龕豪比灌夫

次夏提學韻

衣袖歸時雨盡沾臥聞涼葉響虛簷鳥情幽寂將依樹苔意黃緣欲上簾靜裏祇應閒尚在病來長與懶相兼讀書自笑成何事細取蟲魚幾字添

得匏庵觀造雨筭詩輒次韻

結構親勞較短長棟材應不棄餘良平分屋角三重溜巧

借簷陰二尺涼闌外青山猶可送簾前紫燕莫愁妨從今
穩作城東客雨笠煙簑不用將

陵祀歸得賜煖耳詩和方石韻

烏紗巾上透涼颺一髮君恩力未辭賜煖宮貂同日戴
寒郊馬有人騎耳聞明主如絲詔心似窮民挾纊時
玉階還再拜羔羊重續退公詩

西山

日日車塵馬足閒夢魂連夜到西山近郊地在翻成遠出
郭身來始是閑雲裏盪胸看縹渺溪邊洗耳聽潺湲秋風
忽散城頭雨先爲遊人一解顏

望盡孤雲入杳冥翠微深處一茅亭高堂地迴秋先至古

榻僧閒晝亦扁詩思更隨流水遠醉魂還爲碧山醒憑虛
試做凌雲調應有遊人下界聽

與趙夢麟諸人遊甘露寺

淵篠巖杉處處通野寒吹雨墮空濛垂藤路繞千年石老
鶴巢傾半夜風淮浦樹來江口斷金陵潮落海門空關書
未報三邊捷萬里中原一望中

泛南池有懷南溪聖公

輕舟別浦路迢遙危石虛亭影動搖雲去好山爭入座雨
來新水欲平橋多情留客空杯酒舊事傷心但柳條今日
我來還我去小山叢桂竟誰招

西涯雜詠

海子

海子西入城中與龍池連高樓沙口望正見打魚船

西山

盤石傍幽溪翠峯坐回首靜愛白雲來蒼苔溼衣久

響間

春濤夜忽至汨汨溪流滿津吏沙上來坐着青草短

慈恩寺

水繞湖邊樹花垂石上藤長來寺前坐不識寺前僧

飲馬池

立馬春池上沙水清可憐溪翁熟予馬汲罷不須錢

楊柳灣

沙崩樹根出細路
縈如棧垂柳隔疏簾
人家住西岸

鐘鼓樓

月黑行人斷高樓
鐘漏稀城中聞
夜警邏吏不曾歸

桔槔亭

野樹桔槔懸孤亭
夕照邊閑行看流水
隨意滿平田

稻田

水田雜花晚畦雨
過溪足老僧不坐禪
秋風看禾熟

蓮池

秋風吹菱荷西塘
涼意早獨負尋芳期
苦被詩人惱

菜園

西園芳意溼不聞
春雨聲野人閉門睡
園中青菜生

畫松爲卜刑部從大題

十年不到山中路又見青松畫裏生
擬著茅堂最深處石
倚涼雨聽秋聲

柯敬仲墨竹

莫將畫竹論難易剛道繁難簡更難
君看蕭蕭祇數葉滿
堂風雨不勝寒

春園雜詩

木槿花開紅作屏庭前莓苔滿地青
綠陰深處不知曉
鳥一聲幽夢醒

三年種竹不滿地長怪牆高多少
陰縱使難成也難老
莫教移卻種花心

王孟端山水圖長卷

畫竹休將竹史看
王猷家自有江山空
庭莫訝千尋影萬
里煙波咫尺閒

偶成

三月三日佳麗辰
五十五年衰病身
閉門一枕午時夢
江草江花無數春

長沙竹枝歌

馬殷宮前江水流
定王臺下暮雲收
有井猶名賈太傅
無人不祭李潭州

江頭彩旗耀日明
船上撾鼓不停聲
湖南樂事君記取
五月五日潭州城

三十六灣灣對灣人家多住白茅間直過洞庭三百里長沙城北是形關

汨羅江頭春水生汨羅江上楚歌聲人間若解三閭苦水底魚龍亦有情

湘江女兒愁落暉湘江江上鷓鴣飛行人試看君山竹竹不成斑君始歸

湘江水深天下清何如隴頭秋月明離人到此不得醉况是高樓吹笛聲

雜詩

桔槔庭邊非我家城南小園灑水車直恐此身終是客門前有地不栽花

手插河邊楊柳枝
眼看成樹復成絲
不見雪花飛滿地
豈知春去已多時

漫興

井口轆轤聞水聲
園中菜畦渾欲平
呼童引水放教去
一夜池頭蛙亂鳴

衡嶽山高鴻雁稀
荆溪水深魚蟹肥
此身若問歸何處
我已無家何處歸

沈湘齋舊集卷第十終

沅湘耆舊集卷第十一

新化鄧顯鶴湘皋編輯

鄞縣沈道寬栗仲校訂

楊文襄一清三十首

一清字應甯號濂庵世居雲南安寧州父景以化州同知致仕攜之居巴陵遂爲巴陵人少能文八歲岳州守吳節以奇童薦爲翰林秀才憲宗命內閣擇師教之年十四舉鄉試登成化壬辰進士授中書舍人久之遷山西按察僉事以副使督學陝西入爲太常寺卿拜左副都御史巡撫陝西總制三鎮軍務尋進右都御史歷戶部尙書入直內閣

晉少師兼太子太師吏部尚書華蓋殿大學士卒
贈太保諡文襄有石淙集公生而隱宮貌寢性警
敏博學善權變好談經濟大畧在陝西久邊事甚
悉以建修邊議忤劉瑾下錦衣獄賴涯翁力救得
免致仕歸安化王真鑄反詔起公總制軍務公內
結監軍張永因爲畫策誅瑾遂賴其力以除大憝
公於時政最通練而性濶大愛樂賢士大夫凡爲
瑾所構陷者率見甄錄會有構之者因公陳災異
語譏切近倖大怒使優人於帝前爲蜚語刺公乃
力請乞骸骨歸世宗爲世子時獻王嘗言楚有三
傑謂公與涯翁及劉東山也心識之及卽位復起

總制三邊軍務晚爲張璪桂萼所軋落職閒住大
恨曰老矣乃爲孺子所賣疽發背卒遺疏言身被
污讎死且不瞑尋復故官公鄉會試本貫皆隸巴
陵祀岳州鄉賢爲楚三傑之一雖欲不調之楚人

不得也詩才力不減涯翁晉楚匹敵未易低昂而
世知有懷麓堂石淙集尠有能稱述者殆以功名

掩與

李獻吉云先生詩矜持嚴整俊拔典則七言律爲最工雖唐宋詞雜瑜瑕靡掩然所謂千

慮一失也

錢氏列朝詩選小傳文襄汲引士類海內爭趨其門提督陝西賞識李獻吉名置門下

故石淙類稿屬獻吉評點行世獻吉亟稱公詩筆與長沙並駕蓋富成宏時長沙爲一世宗匠獻吉

並稱揚李不欲使專主齊盟軒揚正所以輕李也文章千古非一家私議而獻吉用心如此於兩公

則何所加損哉靜志居詩話遠庵古詩原本韓蘇近體一以陳簡齋陸放翁爲師獻吉送昌穀詩

云吾師繼起揚與李力挽元化迴千鈞初意揚非李敵不過爲師同耳及觀石滄集實有高岫李者乃知文士以千秋自命類不輕許人也

舟中感興

宋朝西事起廷議仗數公三策戰守和持論各不同韓公
初主戰提旅當賊鋒至今好川水流血餘腥風范公圖經
畧志守不志攻雕陰扼其吭靈武城其雄大順屹有築清
湖引而通雖無賊俘獻已遏賊馬衝終教賊膝屈西顧聊
從容臣本鉛槧儒豈不念除寇功成枯萬骨生意隨秋蓬
而况兵家事勝敗誰能窮散險有明訓著之易象中沙場
四百里深塹連高墉一勞還永佚誓以輸愚忠云胡曉曉
首計不究初終作詩俟君子庶幾希後功

聞人道漢中事

相逢漢中人爲問漢中事政殘令復弛此階誰作厲有兵
不識鬪有地無遺利紛紛叛攘徒來自川西地初焉甚微
眇可以折垂治玩寇者爲誰彌文巧蒙蔽星星不時撲漸
成燎原勢重煩宵旰憂撫捕勤大吏彼氓亦何知從亂豈
其意分明盜兵革潰池作兒戲胡忘渤海言而味朝歌知
居然恣屠戮爲此首功計番兵及礦徒剽掠失防制如以
賊禦賊進退誰適避甯偷從賊生懼作迎降斃遂令漢沔
閒羣盜益昌熾村落莽成墟野煙浩無際師久力漸屈饋
餉遠難繼壯士飢而逃道途日相視關津不敢詰將領莫
能致仲秋交兵辰諸軍自同異貔貅頗創傷狐鼠未懲艾

如聞制府來轅門稍生氣夾攻本良策萬全亦非易成功
在此舉莫使再顛躓人言川賊興正坐科徵敝民窮盜斯
起思之無乃是反本宜急圖窮誅竟何濟邈來天監昭大
姦伏礎鎖湯網解而疏武戈藏不試寄語賣劍人太平今
立至

山中吟

兩旬天氣看復陰黑雲故故團春岑耳邊時聽潭龍吟深
山大谷不可宿前途風雨愁人心

未至府谷得山西胡憲副源梁詩先是予與源梁約
保德府谷爲渡河之會源梁先至以詩來速和韻答
之

榆林東來神木道我心擾擾風中蠹病軀不任馳驟勞况
是長途阻霖淖眼前車馬恨躑躅夢裏衣裳或顛倒當秋
一雨近歲無破屋家家蛙產竈至今潺湲滿庭戶蟻蛭縱
橫聚難掃人可勝天理則然古有堯湯非羿羿吾皇憂民
過往聖德旨蠲租憫無告邇來天澤闕不流赤地茫茫方
苦燥頓使呻吟化歌舞果然大命由人造知君命駕千里
來神交豈是私相好一官同擁繡豸服矢心不媿皇天燾
翻愁左顧勤搗訶賴有先憂繫懷抱晉陽一別六七載如
簪佞佞藉誰導龍門尙隔衣帶川意逐書郵已先到陽志
下里本非類木李瓊琚浪酬報吁嗟伐木人不聞友道蒼
茫竟彫耗人間此會苦難得肯似山陰空返棹與君興狂

希聲前不待冰絃已成操元龍大床吾欲臥可聽登堂窺
寢輿

送安成張都憲柝運還鎮

文皇北狩開洪基古之燕薊今邦畿官河舳艫挽飛粟歲
四百萬供京師直從三湖到瀛海四十餘閘中透迤雖云
恭襄擅勞績廟算天假非人爲漕規百年漸成敝民財已
盡兵兼疲豪門貸券不知數公廩未入私逋追姦人復此
恣漁獵周念膏血成塗泥君王聞之重悽惻曰此瘡痍當
底緩詔求經濟起頽廢公名首應朝堂推都臺舊豸許重
著先聲忽滿清淮涓褰帷問俗布新政風霜雨露無偏私
人言更化先將領疏屏庸瑣噤無遺明揚才俊紛任使數

月威令如騰馳高山虎豹莫敢狎精采一變非前時疲氓
敗卒總生氣昔者戚戚今嬉嬉朝廷綱紀藉臺憲煩恨吾
人翻壞之姑息之風滿天下漢家三尺空然持剛者矯枉
不達變志固可取終何裨不然淫刑肆屠刈忍寡人婦孤
人兒公柔不茹剛不吐寬嚴兩酌還平施淵魚苛察豈公
事權度在我誰能欺漕司政務亦填委老匠坐授羣公治
如身使臂臂使指大綱一舉萬目隨安得皆公撫諸鎮頓
使赤子回春熙嗟予關中舊分憲蒞公節下明公知迂疏
未敢辱同調頗覺氣類元相宜公今入覲天顏喜縉紳動
色瞻風儀太常閒曹無報稱卻望賢勞增忸怩秋風冠蓋
送歸鎮把酒欲賦難爲辭似聞臺省虛公位尙爲淮人歌

去思

畫鴈

江岸蘆花秋簌簌江頭旅鴈羣相逐啄者自啄宿者宿昨夜南樓聞北風天長水濶雲濛濛何當舟一葉擢入蘆花叢

甘涼道中書事感懷二首

望望日已遠行行春又闌蒼茫青海月咫尺玉門關北關星辰上南州夢寐開青山隨處有一見一開顏
孤矢威天下雷霆震域中大兵方出塞小醜自相攻繼絕
君王義宣威將帥功從今宵肝慮不復在西戎

聽雪

庭樹蕭蕭夢屢驚
幾回風景逼人清
坐吟食菜春蠶句
起聽空山裂帛聲
寒苔浴瓦溝
停更響爽疑天籟
靜還生憑誰
爲續幽蘭調
萬古悠悠此夜情

將至涼州

雉堞連雲十里城
將臣開府此屯兵
山連虎陣千年固
地接龍沙一掌平
塞上馬嘶春草綠
村中人和凱歌聲
祇因邊徼無烽火
忘却關山是遠行

孤山堡

簇簇青山隱戍樓
暫時登眺使人愁
西風畫角孤城曉
落日晴沙萬里秋
甲士解鞍休戰馬
農兒持券買耕牛
回思未築邊牆日
曾得清平似此不

出連雲棧

雞頭關下石杈牙，傍險憑高此駐車。
一水縈紆通漢沔，萬峰迴合控褒斜。
雲中板閣燒難絕，谷口篋管翠欲遮。
蜀道秦關俱莫論，於今四海正爲家。

山丹題壁

關山偪仄人蹤少，風雨蒼茫野色昏。
萬里一身方獨往，百年多事共誰論。
東風四月初生草，落日孤城早閉門。
記取漢兵追寇地，沙場猶有未招魂。

還至莊浪

平沙落日路漫漫，千里風光一色看。
剛道雨來翻見雪，偶然熱後忽生寒。
城生據險兵猶少，地屢經荒食更難。
稍喜

沿邊諸將吏肯甘清苦慰彫殘

聞河套有警

百二秦關故可憑，延陵千里險堪乘。
濁河下遶還成套，曠騎冬來慣踏冰。
塞上煙塵嗟未息，胸中兵甲媿無能。
粟芻山積君休羨，民力年來已不勝。

五月七日先皇帝忌辰次涯翁先生詩韻

白頭攀望鼎湖弓，猶憶含香侍從同。
周詠恩深餘湛露，虞絃響絕更薰風。
傷心遺詔龍沙外，自注一清在邊聞遺詔注目宸容
豹尾中。兩載歸朝無寸補，輕車空踏軟紅塵。

出郊

向來塵慮已眞拋，一臥經年始出郊。
天下華陽稱八洞人

閒福地是三茅病求仙术聊充餌老愛雲松願結巢夢覺
迷途自茲始北山猿鶴謾相嘲

希大司馬扈駕至淮安便道過訪余石淙精舍感今
憶昔口占一首

停雲回首意如何揚子江頭一棹過老去多情憐水石閒
來開眼看風波門牆舊侶彫應盡燈火通宵話轉多更約
扁舟和月宿荻花深處聽漁歌

嘉靖四年奉詔督師西征再蒙溫旨有趙充國馬援
之褒感而有述

西北風塵帝顧多老臣承詔出嚴阿便宜欲上趙充國覆
鑠殊非馬伏波千乘戎行新節鉞三邊精采舊關河極知

君命如山重感激渾忘兩鬢皤

將至寧夏

奉詔西征駐節時元戎奏凱已先期苗民自逆三旬命獵
猶何勞六月師燈火家家開夜戶弓刀隊隊卷風旗益兵
加賦休重道財力於今兩不支

邊汝成侍郎話舊

病裏詩成手自書重逢又是十年餘已看精力消將盡何
止聰明較不如西去幾回勞遠夢南來聊得慰閒居故人
不道吾衰老猶有微言爲起予

喜朱都憲歸總臺端

蚤從鄉里望風標節制西南萬里遙裴度破淮終相國希

文平夏始還朝先聲合遣豺狼避直氣能令瘴癘消總道
重臣關社稷鹽梅商鼎待公調

送劉頤之官銅梁

宦情鄉思兩匆匆一曲驪歌興未窮北闕除書新寵命西
川師席舊春風峽門中斷三江險棧道高連一鳥通蜀地
古來多教授今人能說漢文翁

按朱都憲卽恭簡公桂陽人劉頤澧州人存此兩
詩見公之拳拳於鄉里如此未敢謂其非楚人也
又澧州志公前母葬澧州太夫人則澧之鹽井張
氏也匪翁有楊應甯母安人受封詩末句云百年
桑梓瞻依地一度生辰一獻詩蓋當日同時諸公
桑梓之誼其重如此廖氏楚風補獨不入石淙集
可謂無識也

岳陽樓三首

樓頭仙子坐當窗，樓外風飛擁客艤。今古勝遊誰第一，乾坤偉觀此無雙。山形南去連衡嶽，水勢西來接大江。極目浮光殊未已，題詩安得筆如杠。

百尺高樓倚碧空，乾坤登眺幾人同。眼前憂樂誰無意，天下江山此最雄。孤棹影衝煙浦外，浩歌聲在水雲中。東流萬里終歸海，不盡狂瀾砥柱功。

月色風光此夜兼，洞庭春水坐來添。十年作宦身如繫，一日看山興未廉。江海波濤驚變化，乾坤魚鳥自飛潛。太平關塞無戎馬，彩筆逢時次第拈。

竹西書屋

萬竹參差路不分，草堂風景隔塵氛。他年有約東鄰卜，半

爲先生半此君

和西涯漫興

園亭風日入清秋
綠樹重陰護四周
頗恨青山看不見
似應別起看山樓

遊茅山

丹梯百丈許攀緣
萬古華陽此洞天
不獨山人能愛客
野花嘒鳥亦欣然

題畫送謝岐歸閩

有足不躡風塵車
有手不草封禪書
茫茫天地誰知己
還指梅花是故廬

鄧尙書序

五十一首

庠字宗周宜章人成化壬辰進士授行人擢御史
巡按陝西遷河南副使歷升都察院右副都御史
巡撫河南晉戶部右侍郎乞歸再起左都御史巡
撫蘇松終南戶部尚書公立身清簡居官有風節
爲行人時屢使諸藩饋遺一無所受初官御史上
勤聖學正紀綱答直言明賞罰親大臣遠姦佞察
民隱節財用八事皆見嘉納巡按陝西錄囚多所
平反貴州都勻苗爲患守臣以聞朝命公往勘公
至廉得苗人爭地讐殺狀單騎詣賊巢招其酋長
長脚別豹等宣布德意諭以禍福盡降其衆巡撫
河南疏糾鎮守監廖堂廖鵬兄弟交結逆瑾倚仗

權勢糾合姦民朱文案董鑑作諸不法事爲民害
堂逮捕文案等伏法朝野稱快流賊攻劫曹縣梁
靖日公督令指揮徐節張瓚參將宋政等三路攻
勦生擒賊首朱柱斬獲賊黨奪回被擄難民無算
又巡視汴城西關見城守單薄乃輟祥符修河夫
二萬名卽汴西挑塹添築外城深廣各二丈延袤
十五里分爲三門踰月工完賊不敢近汴民賴之
公踐履篤實好善嫉惡出於性生歷仕中外四十
餘年所至貪吏屏氣豪猾斂跡天下想望其風采
晚節益堅任勞任怨有疆直少年所不能堪者公
坦然由之不以爲疑楊文襄得公汴中封事歎服

不已既而貽書戒公謂自古衣冠之禍每成於激
前事之鑿甚明公不爲動也公性恬退好吟咏初
乞歸買田結屋於城東俯臨清溪有終焉之志因
以東溪自號有東溪草堂詩集十七卷公文章經
濟同符恭簡接武忠肅與文襄同年資好明史未
爲立傳余重刊楚寶時不得公專傳亦未及增輯
今從東溪集中採輯公詩入茲集而并據拾公門

人石少保瑤所爲傳述其梗概如此云徐節東溪

天資穎敏才識英邁按治秦晉督餉南都風采稟

然丁外艱家居值時事劇離乃結廬邑之東溪日

與朋友采山釣水若將終身焉及公道既開復命

巡撫泮中倦倦以安民爲念凡所以歌太平而頌

聖德與夫歷覽山川撫時感事其辭渾然天成中

乎矩度長篇短詠接筆立成若不經意而各極其

趣新化楊何序云明詩洪永以來冲融演迤不
事鉤棘一變而何李之流專事摹倣再變而鍾譚
之派惟務纖佻先生處宏正開舍和吐休率吾情
而盎然出之華實並茂既不襲同時崆峒之迹亦
不問後來竟陵之風
無心求工天趣洋溢

次韻遊高泉寺答何職方子元孟春

夙抱山水癖麋鹿詎容鞅浮名三十年松柏拂雲長驅馳
黃塵裏時有紫霞想昨聞高泉遊風清日初盞溪山快延
眎詩酒憶疇曩勝遊入吟哦怡然愜心賞翛然水竹閒長
嘯空谷響慚予憊炎暑跼蹐不得往朝來惠新什心悅神
頓爽何以報瓊瑤佳話播吾黨

遊泐溪石室用前韻

頻年役簿書偶此息塵鞅出城松徑陰刺水秧鉞長驕陽

蒸初夏漸有踏冰想石室泐溪上一竅透天蓋襄公屹崇
碑樂事傳自龔曲寶遠禪牀張炬窮幽賞苔衣步履輕巖
溜琮琤響君恩慚未報那得遂長往出洞濯清風翛然天
籟爽可當眞通都佳境幸無黨

雨後步出東溪兼懷在朝諸公

煇金充陽虐炎蒸奚由逃潛蛟奮甘霖萬壑松風號東瞻
林閒樓崔嵬倚雲高杖履聊適興蹊徑苔蘚遭山泉翠縈
紆一洗愆陽驕逍遙垂楊隄爽氣飄輕袍蠻童荷蕢隨花
露沾琴條新詩咳唾成慚非何水曹揚揚倚蘭馨短髮徒
自搔深林囀黃鳥求友聲嘈嘈仰視霄漢閒扶搖快鵬毛
各在天一方道遠凝睇勞所願年穀登得免閭閻切盤殮

網溪魚樽醕酌瓊膏垂衣拱唐虞密席登夔臯深期贊元
化海宇清塵騰遺芳鼎彝閒底副平生豪

河平歌送劉都憲時雍還京

黃河一派崑崙來積石東注如奔雷龍門水險蒼峽東孟
津地澗洪濤開土性疏薄帶沙滷遷徙靡定恆爲災歲維
壬子霖潦溢水神漂沒田廬墮蘭陽城闕蕩魚鼈張秋隄
岸爲海隈呀呀一口深莫測薪石萬積難容堆迅流衝囓
蓋就下漕河海阻生塵埃舳艫連上蔽洲澣萬牛喘汗誰
能推守臣交章上論列飭畀重任歸宏才天書皇皇照瀚
省咨汝方伯登西臺民生國計咸付託梁宋曹充歸疏培
公拜稽首受明詔駢駢四牡兼程催金符玉節不以貴求

言禮士無遺材嗟予榜櫟忝臬事倚公委用慚追陪推誠
恤下溥膏澤青天白日無嫌猜瞻彼沁洛達淮泗憂勤旃
胝心欲灰輶車相度地形徧既濬而塞民子來輸忱投璧
河神格蛟怪辟易支祁埋千尋鐵繩墜石礎百萬畚鍤分
濶洞孫渡府營殺頽豪黃陵荆口崇椿鉞由徐入淮趨故
道安瀾履坦長江皆濟汶泉清引渠開會通河滿流莓苔
官航商舸飛鳥疾居民行旅懽聲回無勞海運兼陸輓白
爾程餉充京垓麩麥灘堦翠旒旒榆柳堡埽青縈迴河平
入奏天顏喜鐘鼎銘勒功崔巍詔還巖廊資輔相爲霖雨
後爲鹽梅

岳州永濟賦歌

洞庭湖口西風急雪浪如山疑海立挂帆欲往心茫然維
舟暫宿城東集城隍磯前緩步行道逢野叟詢民情拊髀
興懷言不已清論疊疊源泉傾爲言李公昔守岳令行禁
止民安樂桃花萬樹爭春妍機杼千村閑夜柝爲民興利
不知疲捐金召役成長隄一橋一閘十里地斬木鑿石民
不知康衢矢直平如砥車馬驅馳若流水萬縷垂楊翠作
幃千畦晚稻香鋪綺商人自昔居浮槎因隄築舍今成家
酒旗雲外列欄闌歌樓月下鳴琵琶昔也險阻今樂地昔
也萑葦今種藝乘興溱洧惠誠小鄭渠蘇隄同厥利豐功
德譽輝金泥大參徽省趙關西岳民感慕情何極遂以公
姓名吾隄我聞叟言三太息懷言蒿目心滋戚安得百郡

盡如公坐使蒼生被膏澤公今祿位猶未艾作郡聲名從此大
穎川黃霸行入相四海甘霖望沾溉

按李鏡字文明江西弋陽人成化十九年知岳州築永濟堤四千丈溉田數百頃與宋之偃虹堤同稱偃虹以捍城池永濟以捍廬舍今皆無存矣

東溪草堂歌

山川靈秀宜陽多黃岑千古青嵯峨長溪潏潏出其下蒼
虬飛繞城東過蘭臺暫歸覽茲勝誅茅結屋山之阿林深
地僻塵不到懸巖峭壁雲相磨傍山鑿石立層閣簷牙高
啄捫星河憑闌一眺兩眸豁遙峰削玉畦翻禾山紅瀾碧
紛掩映庭松檻竹交枝柯輕風蕭颯四山起天然幽趣聞
鳴珂人閒六月不知暑疑在蓬島凌滄波憶自著年癖山

水攬衣涉澗登坡陀有時赤足踏釣石幾度晞髮攀煙蘿
宦轍勞勞走南北林泉戀戀成蹉跎勲名鐘鼎在何處苒
苒歲月鬢眉皤乾坤偶爾值閑境幅巾藜杖聊婆娑深秋
芙蓉燦霞紫一日百繞池邊荷絕無俗氛翳襟抱惟有文
士同吟哦當軒坐對消永日濯纓一曲滄浪歌聖恩未許
竟投絨嶺猿溪鳥如予何

遊蒙巖簡匡太守文昇孔千戶世傑

蒙巖蒙巖在何許宜章城東小韋杜垂蘿曲徑俯松雲噴
玉流泉隔花雨郴陽太守行春來一琴一鶴相徘徊南巖
伴食暫歸省邀我步上熙春臺蘚斑竹翠藏深洞坐久寒
生毛骨竦崔嵬山石臥狡狴滴瀝瓊漿作鸞鳳巖中開醞

列瑤席樹下將軍共飄逸繁絃急管度清歌不覺青山半
銜日山水茲遊樂已偏間閣猶恐澤未宣願君五馬蘇顛
迎莫惜襦袴童謠傳

沙岡報捷詩并小引

郴桂間民猶被賊戕害已六七載矣程副憲時昭整飭
兵備始有此捷

跳梁蛇豕經幾年連村蔀屋寒無煙誰其持危暨扶顛手
援赤子歸春田程公承恩惠文冠憲府凜凜冰霜寒爰整
其旅嚴度官六花魚麗熟且閑曉雞未鳴度郴關勢如壓
卵以泰山電奔雷厲叱咤閒宣聖之裔哲且勇

謂千戶
孔世傑用

命提兵威令聳龍門容接九鼎重豺虎擒昇三苗竦誓竭

忠藎相招呼箚膠共飲味若酥長風淨掃雲模劔節鼓震
地歡萬夫聖皇南顧憂何如凱旋早獻平猺圖爵賞恩湛
南海隅郴民從此安耕鋤含哺鼓腹到老夫我能灑翰磨
崖書

陰山詩爲攸縣陳教授廷璣題

先生家住陰山麓而面峰巒削寒玉半生棲迹隱衡茅一
旦天書動雲谷宦途萍梗東復西燕草秦花逐馬蹏陰山
可望不可卽幾回目斷斜陽低風晨月夕情未已每念故
國佳山水古縣遺基荒野同江城斜枕平湖裏嵐光弄日
星欲迷柳色橫煙翠如洗獅潭之水春溶溶桃花掩映溪
流紅滄浪一曲磬欵乃漁舟疑在桃源中拍舟徑繞莓苔

滑古木蒼蒼翳林樾山中樵子荷薪歸薄暮浩歌山石裂
梵樓仙閣倚龍嵒丹崖翠壁光曠曠疏鐘響落明河水孤
磬敲殘歸鳥風感時况復瞻遺跡先人奉母蕙花室淒涼
往事不勝悲空自看花淚沾臙紫鱗山色清且奇芙蓉翠
疊華軒宜紅塵漲天飛不到牙籤滿架情自怡聞君已遂
歸休願某山某水看未厭石洞琴雲杖履遲滄浪翫月琴
尊遍豈徒山水足徜徉由來靈秀鍾賢良家風履素先澤
遠攸輿名勝增輝光我家住近郴江上十載京華勞夢想
朝回展卷情依依獨戀君恩未能往輅車若過星沙濱還
當爲賦陰山春

奉命巡撫東吳泊舟武昌阻風和吳朝言韻

泊舟夏口江吞天朔風吹浪蛟龍邊
三吳翹首未由到安得鶴駕凌飛仙
東南財賦慚無術幸逢堯舜明如日
誓將赤手撫瘡痍敢惜衰年更辭疾
飲君醇酒如甘霖况復惠我珠玉吟
驛亭回望思君處雲樹蒼茫縈寸心

章橋弔于百戶

撼山血戰非邀名麾戈欲掃邊塵清
詎知懦夫憤乃事竟使壯士捐其生
霽雲堪祀睢陽側甲冑紛紛空祿食
天恩指日旌爾魂拭目精忠能破賊

鈞州分司書懷

公餘情暫適小圃步非迂樹密鳥聲亂
春深花錦鋪詩懷慚未達民隱喜全蘇
况際昇平日康衢頌有虞

蒼梧江行九首

寥落昭州路蒼茫煙景賒驛樓茅當瓦蟹戶艇爲家戍鼓
鳴寒水荒村落晚霞匡時慚賈傳薄宦過長沙

殘雨滴疏梧蒼江水墨圖暮雲迷島嶼沙鳥宿菰蒲路險
憂羣盜民貧望賜租王師何日下一爲掃榛蕪

湘南卑溼地盡日雨冥冥雷厲危灘響獅蹲怪石形黃憐
依岸柳翠愛隔山屏自笑流年易沙田麥又青

大將旌旗下樓船雲水中龍泉星斗動虎穴笑談空松晚
凌霜翠葵傾向日紅佇看清嶺海名勒桂山峰

重華世已久稽古對騷經山水今猶在英皇迹杳冥雲霞
棲石洞蘭茝映江亭往事無人問寒鴉噪柳汀

江行三百里大半野田荒谷靜聞泉響林深蔽日光戍樓
煙漠漠村舍草蒼蒼安得詠狐鼠農桑惠澤長

微茫煙水上蕩漾見漁舸日薄霞明綺風輕麥展濤橫戈
渡江險結屋倚崖高多少憂時事長吟付短豪

百粵風煙地天涯欲盡頭亂山疑列戟驚瀨怯行舟烽火
連村戍寒沙帶淺流瘡痍猶未起何以解民憂

驛舍荒煙下田家落照閒灘高三峽水地盡九疑山汀草
寒仍綠巖花晚更斑浮名徒役役得似海鷗閒

聞邸報逆瑾伏誅

南海珊瑚樹胡爲入倖門陰雲蒙白日盾蔽藏中原斧鉞
施雄斷忠良喚直言渠魁殲已盡聖澤下黎元

次丁少參遊東溪韻

瀟灑東溪路柴門晝不開
深林棲倦鳥甘雨潤蒼苔
莘野耕雲往磻溪釣月回
感君勤枉顧花外使車來

長沙弔賈太傅

江城戎古廟悵望月華娟
蔓草依荒井殘碑紀漢年
憂時過秦論灑淚弔湘篇
千載忠良恨淒涼對晚煙

偶出郭西書所見

一徑坡陀到水涯
谿山深處欲移家
松雲初斂鶴巢樹
梅雨乍晴蜂採花
粗飯濁醪情自適
葛衣藜杖影交加
郊行時有蕭然趣
牧豎林間短笛啞

西園閒步

小園雨歇嫩涼生
閑踏蒼苔過竹棚
奔電年華驚迅速
浮雲世事厭紛更
渴思西漢金埜露
饑愛東坡玉糝羹
尤喜村村田水滿
鄉人相見慶秋成

夜篷聽雨三首

客舟夜泊瀟湘涯
長空澹蕩雲堆鴉
蚊室浪浪灑甘雨
篷窗點點敲兼葭
流泉漱玉振林木
仙子鳴珮迴鸞車
新涼枕簟未足喜
老農舞袖風中斜

湘浦柔莎夜雨初
江湖蹤跡一萍如
亂蛙漫自喧成鼓
歸雁何從遠寄書
解籜引風飄翠竹
急流分水入清渠
乍涼天氣堪遊賞
明日紅翻玉井蕖

滄江暫駐木蘭橈
綸絡蕭然透晚颼
銀竹滿蓬天籟發
稻

花垂隴早氛消聲疑巫峽湍奔壑勢比錢塘雪湧潮獨坐
擁衾歡不寐無端詩興欲凌霄

東溪卽事

小溪魚躍水翻河遠岫雲開野趣多雙珮未趨天闕去九
皋其奈鶴鳴何花香馥馥飄蘭茝嵐翠濛濛罩薜蘿一曲
瑤琴無外事倚闌閒和紫芝歌

東溪春日二首

春暖沙乾徑草纖不嫌屐齒有泥黏橋臨曲岸泉鳴玉屏
擁羣峰翠入簾綠蟻浮樽春酒熟蛙蔬列饌筍羹甜銜杯
更愛新來燕相伴呢喃語畫簷

出水新荷嫩葉纖飛花掩亂墨池黏清風幾陣香飄席紅

日三竿暖透簾自覺桃源深處樂誰知茂境靜中甜登樓
莫遣斜窗掩要放山雲人短簷

春晴二首

殘冬雨雪少晴時此日春光轉鬱儀隔岸山遙螺髻出縈
溪水暖翠蒲知未言松菊開三徑自喜鷓鴣得一枝喚取
石鐮烹露茗踰廡揮灑寫新詩

暖日青藜信步時不勞車馬舊風儀釣臺臨水沙鷗近蠟
屐穿雲野鶴知紅綴小桃含嫩蕊翠舒弱柳擺新枝兒童
將調頻來往誰識溪山半入詩

過瀧述懷

峽東雷鳴石激流雪湍飛處挽歸舟顛危逆境須知避曠

蕩恩波不自由五載再逢瀧吏問寸心偏繫杞人憂負喧
猶愧匡時策欲獻重瞳十二旒

東溪答汝清一首

蘿薜疏籬蓬華門幽居瀟灑隔鬢煩黃鷄白酒且須醉廊
廟山林非所論清響欣聞風撼竹浮華坐笑鶴乘軒東溪
境接銀河近安得仙槎一問源

東溪卽事二首

柴扉蕭颯半雲緘石砌清幽草盡芟晚翠枇杷冬結子深
根薜荔暖依巖池塘水滿魚爭聚沙渚蘆黃鴈自銜獨有
丹心偏戀闕幾回清夢理朝衫

石路經行雪未緘荆榛須向斧斤芟梅開瓊萼香飄檻松

蟬虬髯翠拂巖風動溪光千點皺日穿林影半窗銜茅廬
濁酒生春意輕汗微微暖透衫

東溪言懷次丁少參原德韻

杖藜徐步出東溪幾度詩成竹上題松菊尙存三徑遶鷓
鷄自足一枝棲瑶琴度曲風初靜稚子催歸日未低猶愧
國恩無以報趨朝清夢聽鳴鷄

秋日閒居二首

欹帽扶藜習淺莎草堂清景入秋多東臯水落黃雲滿朔
漠風高白馬過酒病渴思嘗玉露詩懷狂欲浣銀河浮名
祿碌成何事且和堯天擊壤歌

出城東去路三叉草閣登臨趣亦賒旋壓松醪消午困閒

點露茗摘香芽軒窗灑落書千卷鷄犬蕭條鶴一家笑傲
煙霞聊自適何須銀漢問仙槎

述懷次徐方伯韻

拂拭青萍漫自看雲山笑我未辭官極知樗櫟藩維重獨
戀承平聖澤寬階下碧苔經雨潤庭前瘦鶴舞風寒燕潭
何日承恩去閒搨清泉洗肺肝

同喬司馬希大孫冢宰孚吉黃司空鳴玉諸公遊金
陵永寧寺

公暇尋春興不窮聯鑣晨出鳳臺東輕陰欲灑麥畦雨乍
暖未飄花信風清世欣逢半日暇勝遊難得九人同琴樽
繼繼禪房久歸及斜陽樹杪紅

答張侍御叔亨見寄次韻

旅雁南歸寄錦章明珠落落照高堂憂深還似杜陵老才
拙空慚水部郎千里相望天欲盡一鐙清詠漏偏長燕雲
汴樹無多地何日論文視席傍

歸自蒼梧道中述懷

雙槳咿啞發棹謳輕帆如箭下中流暖雲挾雨迷深洞戍
鼓驚波起宿鷗幾處逋逃空市井何時戈甲返耕疇奔馳
不謂天涯遠獨有民貧未解憂

過山居和唐人韻

擾擾風塵憶故園興來疑到武陵源一雙白鳥清溪曲滿
院桃花晝掩門

明旭詞和唐人韻

目斷紅雲近漢飛
夢隨雲影傍龍衣
起來步月空延佇
愁見西風旅雁歸

延津分司偶成

簿書紛撥亂如絲
回首林泉未有期
河北暫歸公事少
石榴花下坐移時

苦熱

盛夏仍乘上峽船
渾無深趣到吟邊
可能了卻公家事
閒弄松崖瀑布泉

溪行卽事

萬壘芙蓉雨後看
綠楊陰下一憑闌
漁翁睡起全無事
自

沅湘耆舊集

卷第十一

三

網溪漁就晚餐

偶題

做帽青衫杜拾遺
行春攜酒到江湄
蹇驢扶醉人爭看
誰識憂時兩鬢絲

沅湘耆舊集卷第十一終